

TEZAU LITURGIC
20 DECEMBRIE

ACATISTUL
SF.PREOT
IOAN SERGHIEV
DE LA
KRONSTADT-
ST.PETERSBURG
I



MOSCOVA, 2000



Акафист

святому праведному Иоанну

Кронштадтскому, чудотворцу

Конда́к 1

Избра́нному во иере́ех, дивному уго́днику
Бо́жию Иоа́нну, па́стырю и учи́телю, о царёх
моли́твеннику, ско́рбных утёшителю, земли́
Росси́йския свётлому свети́льнику, всё жити́е
своё на служе́ние Бо́гу и бли́жним
посвятившему, и мно́жество грёшников на
покая́ние обрати́вшему; мно́гим же боля́щим
исцеле́ние у Бо́га испроси́вшему, похвалы́
вознесём, я́ко ходатаю́ нашему́ и ско́рому
помо́щнику. Ты́ же, о́тче, я́ко име́яй дерзнове́ние
ко Го́споду, от вся́ких на́с бе́д свобожда́й, да
зовём ти́ хвале́бно:

Ра́дуйся, Иоа́нне, но́вый Росси́йский
свети́льниче и те́плый о на́с к Бо́гу
моли́твенниче.

Икос 1

Ангела-храни́теля своего́, ещё́ шестоле́тен
сы́й, в свѣтлости неизрече́нной я́ве узре́л еси́,
Иоа́нне, и́же и рече́ тебе́, я́ко по повеле́нию
Госпо́дню всегда́ невидимо́ соприсутствует и
храни́т тя́ от все́х зло́. Те́мже от ю́ности
избра́нника Бо́жия тя́ ве́дуще, зыва́ем си́це:

Ра́дуйся, от младе́нства по предуве́дению
Бо́гом избра́нный; ра́дуйся, от ю́ности в
служе́ние Ему́ Того́ благода́тию призва́нный.

Ра́дуйся, а́нгела-храни́теля твоего́ из де́тства
до́брыми нра́вы весели́вый; ра́дуйся, николи́же
того́ чи́м опеча́ливый.

Ра́дуйся, я́ко незри́мый храни́тель тво́й я́ве
тебе́ яви́ся; ра́дуйся, я́ко то́й всегда́ храни́ти тя́
обеща́ся.

Ра́дуйся, благочестивых роди́телей ча́до
возлю́бленное; ра́дуйся, те́ми изде́тска в стра́се
Бо́жием воспита́нный.

Ра́дуйся, воздержанию́ от ю́ности себе́
обучи́вый; ра́дуйся, во убо́жестве и нищете́
млады́я дни́ своя́ препрово́дивый.

Ра́дуйся, я́ко благона́вля твоего́ ра́ди
благодáть Бо́жия я́ве на тебе́ почи́ваше; ра́дуйся,
я́ко та́ лице́ твоё́ всегда́ благоуми́ленно творя́ше.

Ра́дуйся, Иоáнне, но́вый Росси́йский
свѣти́льниче и те́плый о́ нас к Бо́гу
моли́твенниче.

Конда́к 2

Ви́дим тя́, богому́дре Иоáнне, от ю́на во́зраста
благодáтию Бо́жиею осенѣ́на бы́вша, и ё́ю
та́инственно на до́бродѣ́тельное жити́е
наставля́ема и руководи́ма. Те́мже, иму́ще тя́ во
о́браз на́м и подража́ние, уми́льно вопи́ем
Христу́ Бо́гу: Аллилу́ия.

Икос 2

Ра́зум тво́й измла́да в изучѣ́ние Свяще́нных и
оте́ческих Писáний углуби́в, Иоáнне, и из ни́х
восприя́л еси́ оби́льно во́ду жи́ву, от исто́чника
Свята́го Ду́ха проистека́ющую. Те́мже мо́лим тя́,
умоли́ блага́го Го́спода, да сподо́бит
прича́стники бы́ти сея́ живи́тельныя струи́ и
на́с, взыва́ющих ти́ си́це:

Ра́дуйся, от младе́нчества чи́ста себѣ́ от
страсте́й соблюды́й; ра́дуйся, благодáть свята́го
крещѣ́ния це́лу и невреди́му сохрани́вый.

Ра́дуйся, чтéние Божéственных Писáний
усéрдно возлюбíвый; ра́дуйся, сокровéнный в
них смýсл прáво и дóбре уразумéвый.

Ра́дуйся, во учéнии кни́жном прилежа́ние
примéрное показáвый; ра́дуйся, в любомúдрии
естéственным и духо́вном сла́вно преуспéвый.

Ра́дуйся, любомúдрием твои́м ми́ра прéлести
скóро распозна́вый; ра́дуйся, тéх сéтей, я́ко орéл
высокопа́рный, му́дре избежа́вый.

Ра́дуйся, се́верныя Росси́йския страны́ чúдное
и свéтлое воспита́ние; ра́дуйся, мра́ка
грехо́внаго в лю́дех разгна́ние.

Ра́дуйся, всéм притека́ющим к тебе́ скóрое
вспоможе́ние подава́й; ра́дуйся, многомóщное
на́м пред Бо́гом заступле́ние явля́й.

Ра́дуйся, Иоáнне, но́вый Росси́йский
свети́льниче и те́плый о нас к Бо́гу
моли́твенниче.

Конда́к 3

Си́ла благода́ти Бо́жия, недостаю́щая
восполня́ющая, оби́льно изли́яся на тя, Иоáнне
приснопа́мятне, егда́ от святи́теля Христофо́ра
во иере́я рукополо́жен бы́л еси́, и гра́ду
Кроншта́дту па́стырь учинéн; отто́ле бо нача́л

еси́ учѣти люди́ е́же ве́рно служи́ти Свѣтѣй
Тро́ице и пе́ти Ей: Аллилу́ия.

Икос 3

Име́я любóвь Божѣственную в се́рдце своѣм,
му́дре Иоа́нне, и уста́вы воздержáния стрóго
соблюда́я, удо́бь побора́л еси́ страсте́й двизáния,
николи́же те́ми запя́т бы́в. Те́мже, я́ко му́ж
си́лен, изше́л еси́ на де́лание ни́вы Госпо́дни:
сло́вом, я́ко ра́лом, разрыхля́я отверде́вшая и
оледене́вшая се́рдца челове́ческая, согрева́я та
моли́твою и тепло́тою любве́ твоея́, и насева́я в
ни́х се́мена и́скренняго пока́яния и живы́я ве́ры.
Сего́ ра́ди воспису́ем ти́ похва́лы таковы́я:

Ра́дуйся, избра́нный сосу́де Бо́жия благода́ти;
ра́дуйся, даро́в небесных вмести́лище.

Ра́дуйся, все́м се́рдцем и все́м помышле́нием
твои́м Бо́га возлюбивый; ра́дуйся, сего́ ра́ди и
ча́да твоя́ духо́вная и́скренне Того́ люби́ти
научивый.

Ра́дуйся, за́поведи Бо́жия и уста́вы Це́ркве о
постѣх опа́сно храни́вый; ра́дуйся, любóвь твою́
к Бо́гу и бли́жним дея́ньми и уче́нии твои́ми
проявивый.

Ра́дуйся, от ю́ности над страстьми́
воца́ривыйся; ра́дуйся, сла́вен победі́тель над
те́ми яви́выйся.

Ра́дуйся, в ми́ре пожи́вый преми́рно;
ра́дуйся, на землі́ му́дрствова́вый небесно́.

Ра́дуйся, ца́рства Правосла́вно-Росси́йскаго
сто́лпе непоколеби́мый; ра́дуйся, Правосла́вия и
до́брых обы́чаев блюсти́телю непозы́блемый.

Ра́дуйся, Ио́анне, но́вый Росси́йский
свети́льниче и те́плый о нас к Бо́гу
моли́твенниче.

Конда́к 4

Бу́рею мно́гих бе́д и волне́ний жите́йских
оде́ржимым, на́м помога́й, о́тче Ио́анне, я́коже и
в животе́ твоём помога́л еси́ все́м, с ве́рою к тебе́
притека́вшим, да вси́ тобо́ю вспомо́ществуе́ми,
благодарно́ о тебе́ поём Бо́гу: Аллилу́ия.

Икос 4

Слы́шав апо́стола глаго́люща: «на́ше жити́е на
небесе́х е́сть», и измла́да возже́лав насле́довати
е́, маловре́менное си́е жити́е не во угожде́нии
плóти и страсте́м ижди́л еси́, Ио́анне, но во
очище́нии душі́ от по́мыслов грехо́вных. Те́мже,

имѹще тя во образ богоугоднаго житія и помощника во благочестіи, взываем ти сице:

Радуйся, свѣта евангельскаго в наша дни свѣтлое блистание; радуйся, омраченных душ вседейственное просвещеніе.

Радуйся, яко в Божественная Писания весь ум твой вперил еси; радуйся, в них бо стезю правую в Царствие небесное обрел еси.

Радуйся, яко вся деяния твоя свѣт миру быша; радуйся, яко тобою Отец Небесный дивно прославися.

Радуйся, яко слово твое не бѣ, якоже кимвал бряцаѣй, мертв, нечувствен; радуйся, яко тоѣ быше воистину живо и действенно.

Радуйся, яко тобою мертвии духом верою оживляются; радуйся, яко падшии в бездну греховную тобою к покаянію возбуждаются.

Радуйся, [яко тебѣ во дни наша яви Господь земли Россійстей яко пророка и апостола; радуйся,] яко в тебѣ неустрашимаго обличителя и крепкаго противоборца врагом истины вернии обретоша.

Ра́дуйся, Иоа́нне, но́вый Росси́йский
свѣти́льниче и те́плый о нас к Бо́гу
моли́твенниче.

Конда́к 5

Звезда́ многосвѣ́тлая земли́ Росси́йския, мра́к
грехо́вный просвѣща́ющая, яви́лся еси́,
священне Иоа́нне. Те́мже и ны́не пода́ждь
просвѣще́ние сыно́м Росси́йским, тьмо́ю
заблужде́ния объ́тым и во вла́сть нечести́вых
преда́вшихся, да позна́ют своё ока́янство, и
обрати́вшеся ко Го́споду, в покая́нии возопи́ют
Ему́: Аллилу́ия.

Икос 5

Ви́девше Росси́йстии наро́ди вели́каго тя́
благоче́стия проповѣ́дника и многомо́щна пред
Бо́гом моли́твенника и предста́теля, во
мно́жестве отовсю́ду к тебѣ́ притека́ху, инии же
издале́ча письме́на тебѣ́ посыла́ху, исцелѣ́ния в
боле́знях, сове́та в недоуме́ниях и утешѣ́ния в
ско́рбех прося́ще, и улучи́вше жела́нная,
благодарственнo тебѣ́ взыва́ху:

Ра́дуйся, Иоа́нне, но́вый ми́ру свѣти́льниче;
ра́дуйся, несре́дственный в моли́твах Бо́гу
собесе́дниче.

Ра́дуйся, я́ко твоя́ моли́твы си́льны и мно́гомощны Влады́ку уми́лостивля́ти; ра́дуйся, я́ко твое́ к Нему́ предста́тельство мно́годе́йственно бла́гость Его́ на щедро́дательство подви́зати.

Ра́дуйся, я́ко тобо́ю, по ме́ре ве́ры, подаю́тся благода́тная исцеле́ния; ра́дуйся, я́ко неду́гующии прие́млют тобо́ю ско́рое неду́гов свои́х в здра́вие премене́ние.

Ра́дуйся, я́ко гре́шнии на покая́ние тобо́ю обраща́ются; ра́дуйся, я́ко безчи́ннии крамо́льницы тобо́ю вразумля́ются.

Ра́дуйся, я́ко безу́мнии глуми́телие над та́йнами ве́ры тобо́ю посрамля́ются; ра́дуйся, я́ко посмея́телие чуде́сных твои́х дея́ний тобо́ю подоба́ющее вразумле́ние прие́млют.

Ра́дуйся, скорбя́щих благода́тный утёшителю; ра́дуйся, в недоуме́нии су́щих бла́гостный вразуми́телю.

Ра́дуйся, Иоа́нне, но́вый Росси́йский свети́льниче и те́плый о нас к Бо́гу моли́твенниче.

Конда́к 6

Пропове́дником и́стины, богоно́сным отце́м подража́я, всего́ себѣ на служе́ние Бо́гу и бли́жним вда́л еси́, и са́н священства нося́, поко́я не ве́дал еси́, служ́бы Бо́жия в хра́ме при́сно соверша́я и в домо́х ве́рных моле́бныя пѣния воспева́я, нужда́ющимся же ще́дро благотвори́, тако́ наименова́ние благотвори́ца и безсребренника стяжа́л еси́, Иоа́нне. Те́мже и по успѣ́нии твоѣ́м, Росси́йстии лю́дие прославля́ют и́мя твоѣ́, и ве́чную па́мять тебѣ́ возглаша́юще, пою́т Бо́гу: Аллилу́ия.

Ико́с 6

Воссия́вый от Де́вы Христос Бо́г на́ш и тьму́ идолюбѣ́sia свѣ́том Ева́нгелия разгна́вый, яви́ тя, о́тче Иоа́нне, ве́рна и ре́вностна пропове́дника Своея́ и́стины, клеврѣ́ты лука́ваго извраща́емья. Те́мже, я́ко имѣ́яй дерзнове́ние ко Го́споду, изба́ви от те́х зло́бы и кова́рства все́х воспева́ющих ти́ такова́я:

Ра́дуйся, служи́телю Христов изря́дный; ра́дуйся, во иере́ех уго́днике Того́ преизя́щный.

Ра́дуйся, я́ко бы́л еси́ до́му Бо́жия стра́ж
неусы́пный; ра́дуйся, я́ко пасо́мым твои́м бы́л
еси́ от та́тей духо́вных кре́пкий храни́тель.

Ра́дуйся, писа́ньми твои́ми мно́гих от любве́
ми́рския к любви́ Христо́ве подвигну́вый;
ра́дуйся, веща́ньми твои́ми любовь Бо́жию к
челове́ком, в искупле́нии и промы́слении на́м
явле́нную, изъяви́вый.

Ра́дуйся, де́йствие Ду́ха Бо́жия на сердца́
челове́ческая удобопости́жно сказа́вый; ра́дуйся,
та́йну моли́твеннаго с Бо́гом собесе́дования я́ве
указа́вый.

Ра́дуйся, целому́дрие в зако́нном супру́жестве
твоём чуде́сно сохрани́вый; ра́дуйся, мно́гая
ча́да духо́вная покая́нием породив́ый.

Ра́дуйся, в сердца́х ве́рных благо́ю па́мять по
себе́ оста́вивый; ра́дуйся, я́ко па́мять сия́, я́ко
пра́ведника, незабвённа пребу́дет во ве́ки.

Ра́дуйся, Иоа́нне, но́вый Росси́йский
свети́льниче и те́плый о нас к Бо́гу
моли́твенниче.

Конда́к 7

Хотя́ Всеблагий Госпо́дь утёшити ве́рныя
люди́ Своя́ и отврати́ти беззаконных от злы́х де́л

іх, воздви́же тя́, проро́ка землі на́шей, я́коже
не́когда Нине́вїи, гра́ду вели́кому, Йо́ну: да
пропове́си гнѣв Бо́жий, гряду́щий вско́ре на
зе́млю на́шу, е́же и сбѣ́сться по тво́ему
вещáнию, і́бо непока́яни в горды́ни сво́ей
пребы́хом и не восхотѣ́хом с тобо́ю смире́нно
пѣти Христу́ Бо́гу: Аллилу́ия.

Икос 7

Но́ва зна́мения гнѣ́ва Бо́жия постиго́ша на́с,
зане́ не восхотѣ́хом вня́ти богодухнове́нным
тво́им глаго́лом: держа́ва бо Росси́йская паде́ся и
лю́тым безбо́жником во вла́сть предаде́ся, і́же
честны́я оби́тели і́ноческіе разори́ша, свѣ́тыя
хра́мы оскверни́ша, и вся́ благочесті́выя лю́ди
лю́те озло́биша, и мно́жество духо́внаго и
мирска́го чїна мучени́честей сме́рти преда́ша.
Те́мже из глубины́ души́ покая́ние Го́споду
прино́сим, и к тво́ей моли́тве прибега́ем, да
проще́ние грехо́в на́ших и ми́лости Бо́жией
сподо́бимся. Тебе́ же, я́ко предста́телю на́шему,
уми́льно глаго́лем:

Ра́дуйся, покая́ния велегла́сный
проповѣ́днице; ра́дуйся, гряду́щаго гнѣ́ва Бо́жия
на лю́ди согрѣши́вшия нело́жный
провозвѣ́стнице.

Ра́дуйся, нече́стия людска́го громогласный
обличите́лю; ра́дуйся, о исправле́нии те́х
ре́вностный рачи́телю.

Ра́дуйся, ца́рства Правосла́вно-Росси́йскаго
при живо́те твоём кре́пкий опло́т бы́вый;
ра́дуйся, от крамо́л во дни́ оны́ то́е сохрани́вый.

Ра́дуйся, Госуда́рей благоче́стивых при́сный
моли́твенниче и спобо́рниче; ра́дуйся, му́дрый
те́х наста́вниче и храни́телю.

Ра́дуйся, о вла́сти ца́рстей, я́ко
бoguуста́вленной, мно́гая словеса́ провеща́вый;
ра́дуйся, к послуша́нию и ве́рности зако́нной
вла́сти то́й лю́ди тща́иво приводи́вый.

Ра́дуйся, моли́твами твоими́ престόлы царей
благоче́стивых огражда́й; ра́дуйся, суды́ прáвы
в лю́дех твори́ти те́х поуча́й.

Ра́дуйся, Иоáнне, но́вый Росси́йский
свети́льниче и те́плый о нас к Бо́гу
моли́твенниче.

Конда́к 8

Странноле́пный и ангелоподо́бный пу́ть
жити́я земна́го соверши́л еси́, о́тче Иоáнне: в
ми́ре бо пожи́в в воздержáнии и целому́дрии, и
во всегда́шнем Бо́га славосло́вии вели́ким отце́м

послѣдовал еси́. С нѣми же ны́не на небеси́ Христу́ в весѣлии предсто́я, и моли́твы о ми́ре прино́ся, вы́ну поѣши: Аллилу́ия.

Икос 8

Вси́ правосла́внии лю́дие, я́коже в животе́ твоём, та́ко и по преста́влении, с ве́лиею любóвию чту́т тя, о́тче Иоáнне, я́ко ве́лие дерзнове́ние к Бо́гу има́ши, и мо́лиши бла́гость Его́ о всѣх к тебѣ́ притека́ющих, и та́ко взыва́ющих:

Ра́дуйся, блага́го ко́рене до́брое прозябе́ние; ра́дуйся, благо́честивых роди́телей честное́ рождѣ́ние и благо́е воспита́ние.

Ра́дуйся, я́ко ма́лая ве́сь Сура́, твоего́ ра́ди в не́й рождѣ́ния и воспита́ния, все́й земли́ Росси́стей ве́дома сотвори́ся; ра́дуйся, я́ко гра́д Кроншта́дт твои́м в не́м служѣ́нием просла́вился.

Ра́дуйся, я́ко милосѣ́рдными де́лы твои́ми вся́ земля́ Росси́йская напо́лнися; ра́дуйся, я́ко ве́сть о чу́днем и святе́м жити́и твоём за преде́лы ея́ распро́странися.

Ра́дуйся, я́ко писа́ньми твои́ми та́йна благода́тного с Бо́гом общѣ́ния изъясня́ется;

ра́дуйся, я́ко си́ми пи́сáньми свѣ́тъ духо́внаго оза́ре́ния в се́рдца́ чту́щих я́ изливáется.

Ра́дуйся, я́ко в пи́сáниях твои́х чистота́ ду́ши твоея́ я́ве прозре́ается; ра́дуйся, я́ко в ни́х, я́коже в зе́рцале, богоподо́бие ду́ши челове́ческаго отобра́жается.

Ра́дуйся, я́ко богому́дрыми пи́сáньми твои́ми не то́кмо лю́дие Росси́йстии, но и инозе́мнии ко благоче́стию своему́ назидáются; ра́дуйся, я́ко те́ми пи́сáньми и́стинная ве́ра возсия́вает и мра́къ ересей разгоня́ется.

Ра́дуйся, Иоáнне, но́вый Росси́йский свети́льниче и те́плый о нас к Бо́гу моли́твенниче.

Конда́к 9

Вся́кое сло́во не довлéет к похвалé твоёй, о́тче Иоáнне, ты́ бо Ду́хом Святы́м дви́жимь, от ю́ности Бо́гу усер́дно послужи́л еси́: в изуче́нии Свяще́нных Пи́саний мно́га ле́та усер́дно тружда́йся и ра́зум глубо́к стяже́вая, та́же о науче́нии отроко́в и о па́стве твоёй приле́жно пе́кийся, все́х поуча́л еси́ разу́мно пе́ти Бо́гу: Аллилу́ия.

Икос 9

Витїи нечистївии и суемудреннии и веры хулїтелие тобою яве посрамлени быша во злочестїи своем, православному же в вере утвердишася, боговещанными твоими глаголы наставляеми. Темже, восхваляюще тя, взываем сице:

Радуйся, цевнице, боговещанная; радуйся, гусли Духа сладкозвучныя.

Радуйся, словесы и писаньми твоими догматы веры уяснивый; радуйся, вещаньми твоими верных смыслы в Православии утвердивый.

Радуйся, многих колеблющихся в истинней вере утвердивый; радуйся, горделиваго в суемудрии хулителя таинств Церкви Христовы не боязненно обличивый.

Радуйся, яко тобою полки богоборцев побеждены быша; радуйся, яко сонмы пасомых твоим па́стырским раче́нием Ца́рствие небе́сное улучиша.

Радуйся, разума божественнаго мудрый изъясвителю; радуйся, таинств церковных благоговейный совершителю.

Ра́дуйся, благонаде́жный на́ш в Ца́рствие
небе́сное руководи́телю; ра́дуйся, пу́ти
спаси́тельного на́ш и́стинный учи́телю.

Ра́дуйся, Иоа́нне, но́вый Росси́йский
свети́льниче и те́плый о на́с к Бо́гу
моли́твенниче.

Конда́к 10

Спасти́ хотя́ ду́шу твою́, полноту́
добродете́лей ева́нгельских в себѣ́ совокупи́л еси́,
о́тче Иоа́нне: апо́стольское и святооте́ческое
ве́ры испове́дание, му́ченическую в благоче́стии
тве́рдость, всегда́шнее в моли́твах
бо́дрствование, возде́ржание и смире́ние, вку́пе
же и по́двиги преподо́бных. Те́мже ны́не со
святы́ми на небеси́ водворя́ясь и непреста́нно
Бо́га славосло́вя, помина́й на́с, сла́вную па́мять
твою́ почита́ющих и пою́щих Бо́гу: Аллилу́ия.

Икос 10

Ца́ря Небе́снаго всеусе́рдный
священнослужи́тель бы́в, о благоде́нствии
земна́го оте́чества твоего́ ревновáл еси́,
правомудренно поуча́я, е́же воздава́ти Бо́жие
Бо́гови и кесареви кесарево. Сего́ ра́ди
восхваля́ем тя́ си́це:

Ра́дуйся, ра́бе Бо́жий, благи́й и ве́рный;
ра́дуйся, служи́телю Того́ усердный.

Ра́дуйся, вся́ повеле́нная от Го́спода, тща́иво
твори́вый; ра́дуйся, за́поведей Его́ иску́сный
де́латель бы́вый.

Ра́дуйся, о вездесу́щи Бо́жии всегда́
помышля́вый; ра́дуйся, у́мным очесе́м своим
Того́ вы́ну представля́вый.

Ра́дуйся, благоче́стивых царей о́течества
твоего́, я́ко слуг Бо́жиих, почита́вый; ра́дуйся,
сло́вом твои́м и моли́твами в тру́дном по́двиге
управле́ния им помога́вый.

Ра́дуйся, к попече́нию о благи́х Це́ркве и
наро́да те́х подвиза́вый; ра́дуйся, от крамо́л и
мяте́жей их оберега́вый.

Ра́дуйся, и ны́не о земли́ Росси́йстей и о все́х
ца́рствах правосла́вных Бо́га умоля́й; ра́дуйся,
я́ко предста́тель еси́ все́х на тя наде́ющихся.

Ра́дуйся, Иоа́нне, но́вый Росси́йский
свети́льниче и те́плый о нас к Бо́гу
моли́твенниче.

Конда́к 11

Пе́сненными похва́лами невозмо́жно е́сть
изобрази́ти мно́жество о Бо́зе исправле́ний

твои́х, о пречу́дне о́тче Иоа́нне, я́же соверши́л еси́ во все́м жити́и твоё́м: немощны́я, моли́твами твои́ми, исцеля́я, бе́сы от челове́к изгоня́я, неду́говавшим пия́нством и ины́ми страстьми́ врачу́я, в нищете́ же и убо́жестве су́щия оби́льно ущедря́я, и все́м по коего́ждо потре́бе помога́я и благотворя́я, во е́же благодарно о тебё́ пе́ти Бо́гу: Аллилу́ия.

Икос 11

Свети́льника свё́тла и прозорли́вца дивна́ тя Госпо́дь во днѣ́х на́ших, провозвести́вша гряду́щий гне́в Его́ на ца́рство Росси́йское, зане́ непокая́хомся про́поведию твоёю. Те́мже, я́ко проро́ка Бо́жия и провозвѣ́стника Того́ суде́б, ублажа́ем тя и в покая́нии взыва́ем:

Ра́дуйся, провид́че дивный; ра́дуйся, бу́дущих собы́тий предска́телю нело́жный.

Ра́дуйся, дре́вним покая́ния пропове́дником ра́вный; ра́дуйся, гряду́щаго гне́ва Бо́жия на нераская́нныя гре́шники возвестите́лю.

Ра́дуйся, покая́ния сладкогласный глаша́таю; ра́дуйся, смяте́нных серде́ц умири́телю.

Ра́дуйся, многомо́щный на́ш пред Бо́гом
хода́таю; ра́дуйся, благонаде́жный на́ш пред
Ни́м предста́телю.

Ра́дуйся, до́брый словесных овец па́стырю,
мно́жество заблудших ду́ш взыска́вый; ра́дуйся,
от у́з темни́чных и сме́рти мно́гих свободи́вый.

Ра́дуйся, Иоа́нне, но́вый Росси́йский
свети́льниче и те́плый о на́с к Бо́гу
моли́твенниче.

Конда́к 12

Благода́ть Бо́жия, ю́же прия́л еси́ сугу́бо во
святе́м креще́нии и во иере́йстем
рукоположе́нии, не вотще́ в тебе́ бы́сть, о́тче
Иоа́нне: раче́нием бо твои́м употреби́л еси́ сию́
на по́льзу мно́гим и во сла́ву Дарода́теля ея́;
све́тлостию бо жити́я твоего́ и де́лы
милосе́рдными вели́кий уго́дник пред Бо́гом
яви́лся еси́, и от мно́жества у́ст, тобо́ю духо́вно и
телесно́ облагодете́льствованных, возно́сится
То́му вели́кая пе́снь: Аллилу́ия.

Икос 12

Пою́ще богоуго́дное твоё от ю́ности жити́е, и
духо́вное от си́лы в си́лу восхожде́ние, ублажа́ем
пра́ведную твою́ кончи́ну и сла́вное погребёние

благодáтных тво́их мо́щей, вѣ́чный по́кой
обрѣ́тших в создáнной тобо́ю деви́чей оби́тели.
Ве́руем же, я́ко и свята́я ду́ша твоя́ упоко́ися в
пресвѣ́тлых ра́йских селѣ́ниях, я́же насле́довати
помози́ и на́м, возглаша́ющим ти́ похва́лы
сицевы́я:

Ра́дуйся, течѣ́ние вре́менных жи́зни ра́вно и
богоу́годно сконча́вый; ра́дуйся, ве́ру пра́вую
непоро́чну сохрани́вый.

Ра́дуйся, ми́рною христиа́нскою кончи́ною
пра́ведность твою́ известíвый; па́дуйся, по́кой
вѣ́чный на небеси́ со свята́ми получи́вый.

Ра́дуйся, ра́дости пра́ведных во оби́телях
ра́йских причастíвыйся; ра́дуйся, со
мно́жеством ду́ш, тобо́ю спасѣ́ние улу́чивших,
блаже́нства вѣ́чнаго сподо́бивыйся.

Ра́дуйся, с ца́рственными новому́ченики
Ца́рство небѣ́сное насле́дивый; ра́дуйся, с ни́ми
Царю́ Сла́вы предстоя́й и о изба́влении
оте́чества на́шего от безбо́жных вра́г моли́твы
возно́сѣй.

Ра́дуйся, вели́кий Правосла́вия побо́рниче;
ра́дуйся, непреодоли́мый благоче́стия
защи́тниче.

Ра́дуйся, со́нными явлéнными пресла́вно
чудотвора́й; ра́дуйся, иносла́вныя ко
Правосла́вию приво́дяй.

Ра́дуйся, Иоáнне, но́вый Росси́йский
свети́льниче и те́плый о нас к Бо́гу
моли́твенниче.

Конда́к 13

О, всечестный́ о́тче Иоáнне, не
кроншта́дтский то́кмо, но и всеросси́йский, па́че
же — всеми́рный свети́льниче и вели́кий
Христо́в уго́дниче и чудотво́рче! Приими́ от нас,
недостойных, хвале́бное пéние сиé, и
благоприятными тво́ими ко Бо́гу моли́твами
изба́ви нас от бе́д вре́менных и мучéний ве́чных,
да сподо́бимся с тобо́ю в Ца́рствии небе́сном
ве́чно воспева́ти: Аллилу́ия.

[Сей конда́к глаго́лется три́жды. Та́же и́кос 1-
й: Ангела-храни́теля своего́... и конда́к 1-й:
Избра́нному во иере́ех...]

Моли́тва

Святы́й пра́ведный о́тче наш Иоáнне,
вели́кий чудотво́рче и свети́льниче Ру́сския
земли́! Ты́ во све́те пренебе́сном Христа́ Бо́га
нашего зри́ши, ми́лости Его́ за любо́вь твою́

сподобляемъ. Божественныя благодати исполнен быв, Телом Христовым и Кровию Его присно питаемъ, изшел еси на па́стырское дѣлание даже до вечера жизни твоея. Обаче не престал еси и ны́не от дѣлания твоего, во вѣки живый во Христѣ. Вѣмы, великий па́стырю наш, яко священствовавшу ти, инѣи милосѣрдію тобою научи́шася, друзіи же от нищеты́ и падѣній греховных тобою возведѣніи бы́ша и zelo возлюбѣ́ша тя, всякому добру́ их навча́юща. Тѣмже мо́лим тя: научи́ и нас добро́ творіти, греха́ огребатися, о спасѣніи ду́ш наших пе́щися, и во всяком дѣле бла́зе бу́ди нам помо́щник благий, тебѣ бо сказа́ Бог ну́жды людей Своих, целітелю и благодѣтелю наш! Вѣмы и сия, праведный о́тче, яко великий моли́твенник и чудный совершитель Безкро́вныя Жѣртвы ты́ был еси́, исполнен сый ду́ха вѣры, наде́жды и любве́ христіанскія. Се́ бо Божественную Литургію соверша́я и о вручи́вших себѣ моли́твенному твоему́ заступлѣнію пла́менно моля́ся, яко о́тец чадолюбивый всѣх любви́ю твоею обѣимал еси́, поминовѣ́ние о нихъ творя́, да омы́ются грехи́ ихъ святе́йшею Кро́вию Христо́вою. Тѣмже и мы́, грѣшнии, упова́юще на любви́ и по́мощь твою́,

у́сёрдно взыва́ем ти́: моли́ся, вели́кий па́стырю Ру́сския земли́, о бра́тии твоёй, архи́па́стырех и па́стырех на́ших, да поживу́т по во́ли Бо́жией, я́коже пре́жнии па́стыри, Бо́гу угоди́вшии, и да внуши́т Госпо́дь моле́ния их на вся́к ча́с. Моли́, чудотво́рче предивный, Всеми́лостиваго Спа́са на́шего о все́х недугующих и многообра́зне бе́дствующих, утеше́ния ча́ющих, да исцеле́ние и по́мощь прииму́т и да утеше́нии бу́дут. Моли́ся Бо́гу, о́тче Иоа́нне, о де́тех и о́троцех уча́щихся, я́ко да позна́ют ти́и ве́ру Христо́ву и да поживу́т по ве́ре, возлюбив крё́пко Го́спода на́шего, Пречи́стую Влады́чицу Богоро́дицу и вся́ святы́я, с ни́ми же и ты́, вои́стину до́брого о́тца́ и наста́вника их, и да соблюда́ют их а́нгели-храни́тели их, я́коже и ты́ а́нгеле-храни́телю тво́й соблюда́ше от прираже́ний вра́жиих. Ду́хом апо́стольския ре́вности о ве́ре Правосла́вной пламене́я, гро́зно и непреста́нно облича́л еси́ хулы́ искажи́телей Ева́нгелия Христо́ва. Те́мже мо́лим ты́: порази́ и ны́не, уго́днице Бо́жий, вся́ собла́зны и разделё́ния, толи́ко умно́жившияся ны́не, да поживу́т лю́дие правосла́внии в еди́нении и ми́ре, и в ве́рности Ма́тери своёй, Це́ркви Христо́вой. К си́м же и сию́ вели́кую мо́льбу с ве́рою ти́ прино́сим: предста́тельствуй,

вели́кий чудотво́рче и проро́че, ро́ду тво́ему явле́нный, у стра́шнаго престо́ла Го́спода Сла́вы, да пощади́т и поми́лует стра́ждущую зе́млю Ру́сскую, в не́й же толи́ко просия́ любви́ твоя́. И да изба́вит Го́спо́дь лю́ди Сво́я от и́га лю́тых безбо́жник и го́рькаго мучи́тельства их. О, пречу́дный о́тче Иоа́нне, вели́кий иере́ю Бо́га Вы́шняго! Се́ о́браз тво́й честны́й лобыза́ем, ве́дуще, я́ко вели́кого засту́пника и утёшителя дарова́ тя Го́спо́дь лю́дем Свои́м. Испроси́ у́бо на́м ду́х пока́яния и обновле́ния и́стиннаго. Ве́мы, я́ко во дни́ земна́го жити́я твоего́ мно́гое мно́жество люде́й во святе́м хра́ме, го́рдость и смущéние отло́жше, пла́чуще и рыда́юще, о та́йных сво́их гресе́х я́ве ка́ющеся, чрез тя́ живи́тельное разре́шение от Бо́га Спа́са приима́ху. Якоже тогда́ над ни́ми, простри́ и ны́не невидимо́ благословля́ющую ру́ку твою́, и прощéние грехо́в на́ших у Бо́га Милосе́рднаго испроси́. Посо́бствуй у́бо на́м проче́е вре́мя живота́ на́шего богоуго́дне преи́ти, да сподо́бимся святы́ми твои́ми моли́твами дости́гнути небéснаго Ца́рствия, и та́мо вку́пе с тобо́ю, о́тцем, моли́твенником и засту́пником на́шим, сла́вити Ди́внаго во святы́х Сво́их Бо́га,

Отца́ и Сы́на и Свята́го Ду́ха, ны́не и прісно и
во ве́ки веко́в. Ами́нь.

